

經候總論

經閉

女科準繩

調經

一之中

特別  
中9  
244  
2



門中武  
244  
卷 2

經候總論

篤信堂

曰女子七歲腎氣盛齒更髮長二七而天癸  
通太衝脉盛月事以時下天謂天真之氣癸  
謂壬癸之水壬為陽水配丁而化木癸為陰水合戊  
而化火故曰水火者陰陽之徵也女子陰類故得  
癸焉衝為血海任主胞胎二脉流通經血漸盈應時  
而下天真氣降與之從事故曰天癸也常以三旬一  
見以像月盈則虧不失其期又名月信也若遇經行  
最宜謹慎否則與產後證相類若被驚恐勞役則血

周經

女斗

三六

氣錯亂經脉不行多致勞瘵等疾若逆於頭面肢體之間則重痛不寧若怒氣傷肝則頭暈脇痛嘔血而瘵癰癢若經血內滲則竅穴淋瀝無已凡此六淫外侵而變證百出犯時微若秋毫成患重如山岳可不畏哉 薛血者水穀之精氣也和調五臟灑陳六腑在男子則化為精在婦人上為乳汁下為血海故雖心主血肝藏血亦皆統攝於脾補脾和胃血自生矣凡經行之際禁用苦寒辛散之藥飲食亦然

良婦人月水不調由風邪乘虛客於胞中而傷衝任之脉損手太陽少陰之經蓋衝任之脉皆起於胞中

為經絡之海與手太陽小腸手少陰心經為表裏上為乳汁下為月水然月水為經絡之餘苟能調攝得宜則經應以時矣 薛經曰飲食入胃游溢精氣上輸於脾脾氣散精上歸於肺通調水道下輸膀胱水精四布五經並行東垣先生謂脾為生化之原心統諸經之血誠哉是言也竊謂心脾平和則經候如常苟或七情內傷六淫外侵飲食失節起居失宜脾胃虛損心火妄動則月經不調矣有先期而至者有後期而至者其說詳見後條蓋血生於脾土故云脾統血凡血病當用苦甘之劑以助陽氣而生陰血也

辨色丹經水者陰血也陰必從陽故其色紅稟火色也血為氣之配氣熱則熱氣寒則寒氣升則升氣降則降氣凝則凝氣滯則滯氣清則清氣濁則濁往往見有成塊者氣之凝也將行而痛者氣之滯也來後作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也今人但見其紫者黑者作痛者成塊者率指為風冷而行溫熱之劑則禍不旋踵矣良由病原論月水諸病皆曰風冷乘之宜其相習而成俗也或曰黑北方水色也紫淡於黑非冷而何予曰經曰亢則害承

乃制熱甚者必兼水化所以熱則紫甚則黑也况婦人性執而見鄙嗜欲加倍藏府厥陽之火無日不起非熱而何若曰風冷必須外得設或有之蓋千百一二者也冷證外邪初感入經必痛或不痛者久則鬱而變熱矣且寒則凝既行而紫黑故非寒也海四物加黃芩黃連湯 治經水如黑豆汁

四物湯

黃芩

黃連

右為末醋糊丸服

丹月經黑口渴倦怠形短色黑脉不勻似數

赤芍藥

香附米

黃檗

黃芩

甘草

開經

女科

三十一

各叁錢

貳錢

各半

炒

經色紫黑

右為末醋糊丸白湯下五六十九

永康胡八娘子二十歲二月經事不來忽行小腹痛有塊血紫色

白芍藥

白朮

陳皮

各半兩

黃芩

川芎

木通

各貳錢

甘草

炙少許

何孺人氣滯血澀脉不瀉經不調或前或後紫色口苦兩大腿外麻木有時痒生瘡大便秘滯

麻子仁

桃仁

芍藥

各貳兩

枳殼

白朮

歸頭

威靈仙

訶子肉

生地黄

陳皮

各伍錢

大黃

煨柒錢

經色淡為虛

各為末粥丸如桐子大白湯下五六十九

丹經水色淡者氣血俱虛也宜八物湯之類八物者四物四君子也如兼它證隨證加藥

樓婦人年四十八因有白帶口渴月經多初血黑色後來血淡倦怠食少臍上急

白朮

壹錢半

白芍藥

陳皮

各壹錢

木通

枳殼

黃芩

各伍分

縮砂仁

甘草

炙各叁分

紅花

壹許

右煎湯下保和丸參拾九抑青丸貳拾九

**審多少** 婦人病多是月經乍多乍少或前或後將發疼痛醫者不審一例呼為經病不知陽勝陰陰勝陽所以服藥無效蓋陰氣乘陽則包藏寒氣血不運行經所謂天寒地凍水凝成冰故令乍少而在月後若陽氣乘陰則血流散溢經所謂天暑地熱經水沸溢故令乍多而在月前當和血氣平陰陽斯為福也

陽勝陰月候多者當歸飲

當歸飲 抑陽助陰調理經脉

當歸

微炒

地黃

酒蒸焙

川芎

白朮

白芍藥

黃芩

各等分

每服參錢水一盞半煎至八分空心溫服

陰勝陽月候少者七沸湯

七沸湯 治榮衛虛經水愆期或多或少腹痛

當歸

川芎

白芍藥

蓬朮

熟地黃

川薑

木香

各等分

每服肆錢水一盞半煎至八分溫服

經水過多為虛熱為氣虛不能攝血

海四物加黃芩白朮湯 治經水過多

調經

女科

三十九

四物湯

肆兩

黃芩

白朮

各壹兩

丹經水過多

黃芩

炒

芍藥

炒

龜板

炙各壹兩

椿樹根皮

柒錢半

黃礞

炒叁錢

香附

貳錢半

右為末酒糊丸空心白湯下五六十九

丹一婦人脉弦而大不數形肥初夏時倦怠月經來時多此稟受弱氣不足攝血故行多

白朮

壹錢半

黃芪

生

陳皮

各壹錢

人參

伍分

甘草

炙叁分

經水澀少為虛為澀虛則補之澀則濡之

海四物加葵花湯

肆兩

治經水澀少

四物湯

肆兩

葵花

壹兩

一方又加紅花血見愁

四物湯加熟地黄當歸湯治經水少而色和

四物湯

肆兩

熟地黄

當歸

各壹兩

脈師曰有一婦人來診言經水少不如前者何也師曰曾更下利若汗出小便利者可何以故師曰亾其津液故令經水反少設經下多於前者當所苦困當言恐大便難身無復汗也

先期後期

王子亨曰經者常候也謂候其一身之陰陽愆伏知其安危故每月一至太過不及皆為不調

陽太過則先期而至陰不及則後時而來其有乍多乍少斷絕不行崩漏不止皆由陰陽衰盛所致

丹經不及期者血熱四物湯加黃連 肥人不及日

數而多痰者血虛有熱南星白朮蒼朮黃連香附川

芎作丸 薛先期而至者 有因脾經血燥者宜加

味道遙散 有因脾經鬱滯者宜歸脾湯 方見雜病

有因肝經怒火者宜加味小柴胡湯 方見傷寒

有因血分有熱者宜加味四物湯 即四物加柴胡丹皮山梔

因勞役火動者宜補中益氣湯 方見雜病

先期湯 治經水先期而來宜涼血固經

生地黃 川當歸 白芍藥 各壹錢

黃檗 知母 各壹錢 條芩

黃連 川芎 阿膠 炒各捌分

艾葉 香附 炙甘草 各柒分

水二鍾煎一鍾食前溫服

金匱土瓜根散 治帶下經水不利小腹滿痛經一

月再見者

土瓜根 芍藥 桂枝

麝蟲 各柒錢半

右四味杵為散酒服方寸匕日三服



按仲景此方乃破堅下血之劑則經不及期有汗血者矣前論所未及也欲知汗血有無須以小腹滿痛與不滿痛別之

過期

丹經水過期血少川芎當歸人參白朮與痰藥過期色淡者痰多也二陳湯加芎歸過期色紫有塊血熱也必作痛四物湯加香附黃連薛過期而至者有因脾經血虛者宜人參養榮湯有因肝經血少者宜六味地黃丸有因氣虛血弱者宜八珍

湯三方並見雜病虛勞門

過期飲

治經水過期不行乃血虛氣滯之故法當

補血行氣

熟地黃

白芍藥

當歸

香附各貳錢

川芎壹錢

紅花柒分

桃仁泥陸分

蓬莪茂

木通各伍分

甘草

肉桂各肆分

水二鍾煎一鍾食前溫服

滋血湯 治婦人心肺虛損血脉虛弱月水過期

人參

山藥

黃芪各壹錢

白茯苓去皮

川芎

當歸

白芍藥

熟地黃各壹錢半

調經

女科

四三

三月一  
來為居

右作一服水二鍾煎至一鍾食前服

脉師曰脉微血氣俱虛年少者亡血也乳子下利為  
可否者此為居經三月一來師曰寸口脉微而澀微  
則衛氣不足澀則血氣無餘衛不足其息短其形躁  
血不足其形逆榮衛俱虛言語謬誤跌陽脉浮而澀  
澀則衛氣虛虛則短氣咽燥而口苦胃氣澀則失液  
少陰脉微而遲微則無精遲則陰中寒澀則血不來  
此為居經三月一來 問曰婦人妊娠三月師脉之  
言此婦人非軀今月經當下其脉何類何以別之師  
曰寸口脉衛浮而大榮反而弱浮大則氣強反弱則  
少血孤陽獨呼陰不能吸二氣不停衛降榮竭陰為  
積寒陽為聚熱陽盛不潤經絡不足陰虛陽往一作實  
故令少血時發洒淅咽燥汗出或溲稠數多唾涎沫  
此令重虛津液漏泄故知非軀畜煩滿血月稟一經  
三月一來陰盛則瀉名曰居經謂右脉浮大左脉反弱也  
**調經平劑**簡易方當歸散 治經脉不勻或三四月  
不行或一月再至

當歸

川芎

白芍藥

黃芩

炒各壹兩

白朮

山茱萸肉

壹兩半

右為細末空心温酒調下貳錢日三服 如冷去

黃芩加肉桂壹兩

人參養血丸和劑

治女人稟受素弱血氣虛損常服

補衝任調經候暖下元生血氣

烏梅肉

叁兩

熟地黃

伍兩

當歸

貳兩

人參

川芎

赤芍藥

蒲黃

炒各壹兩

右為細末煉蜜丸梧子大每服八十九溫酒米飲

任下

逍遙散和劑

朝熱

治血虛煩熱月水不調臍腹脹痛痰嗽

當歸

白朮

白芍藥

柴胡

茯苓

各壹兩

甘草

炙半兩

右咬咀每服半兩入薑薄荷葉煎服

薛新甫加牡丹皮山梔

炒

各伍分名加味道遙散

神巧萬全方無當歸芍藥甘草有人參黃芪各等

分

增損四物湯

治月事不調心腹疼痛補血溫經注

顏

川芎

當歸

芍藥

熟地黃

牡丹皮

白朮

各壹錢半

地骨皮

壹錢

右作一服用水二鍾煎至一鍾食前服

抑氣濟生方論曰內經云百病皆生於氣經有所謂七氣有所謂九氣喜怒憂思悲恐驚者七氣也七情之外益之以寒熱二證而為九氣也氣之為病男子婦人皆有之惟婦人血氣為患尤甚蓋人身血隨氣行氣一壅滯則血與氣併或月事不調心腹作痛或月事將行預先作痛或月事已行淋瀝不斷心腹作痛或遵腰脇或引背脊上下攻刺吐逆不食甚則手足搐搦狀類驚癇或作寒熱或為癥瘕肌肉消瘦非特不能受孕久而不治轉而為瘵疾者多矣

戴復菴云婦人每月經水應期而下不使有餘猶太陰之缺也其有或先或後或少或多或欲來先病或遇來而斷續皆謂之不調和氣飲加香附子半錢兼

燕獨附丸

見雜病水腫門

升麻和氣飲

澹寮煮附丸 治經候不調血氣刺痛腹脇膨脹頭暈惡心崩漏帶下並宜服之

香附子

擦去皮不以多少米醋浸壹日用瓦銚煮令醋盡

右醋糊為丸梧子大日乾每五十九丸淡醋湯下

一方香附壹斤艾葉肆兩當歸貳兩製同名艾附丸

沉香降氣散 順氣道通血脈

烏藥

木香

香附子

縮砂仁

甘草 各等分

右為細末每服貳錢空心鹽湯調下

嚴氏抑氣散 治婦人氣盛於血變生諸證頭暈膈

滿

香附子 肆兩

茯苓

甘草 炙各壹兩

陳皮 貳兩

右為末每貳錢食前沸湯調下

紺珠正氣天香湯 治婦人一切氣氣上湊心心胸

攻築脇肋刺痛月水不調

台烏藥 貳錢

香附子 捌錢

陳皮

蘇葉 各壹錢

乾薑 半錢

右吹咀每七八錢水煎服

右抑氣例 煮附丸醋製佐以當歸則氣中之血

藥也今世以童便酒醋鹽水四製而以四物佐之

皆本於此人人知之故不著 氣鬱多者宜於雜

病氣證門中選用不必拘此

補氣

東垣益胃升陽湯

治婦人經候不調或血脫後脉

弱食少水泄日二三行

黃芪 貳錢

白朮 叁錢

炒麴 壹錢半

當歸身

陳皮

炙甘草

人參 各壹錢

升麻

柴胡 各半錢

黃芩 半錢 秋去之

右咬咀每服半兩水煎腹痛加芍藥嗽去人參

補中益氣湯

治婦人室女經候不調脉微食少體

倦或熱 方見雜病首冊勞倦門

四君子湯

六君子湯 方見雜病首冊虛勞門

右補氣例

調經緩劑

大温經湯 金匱

治衝任虛損月候不調或

來多不已或過期不行或崩中去血過多或經損  
娠瘀血停留小腹急痛五心煩熱並皆治之

吳茱萸 湯泡

牡丹皮

白芍藥

肉桂 去麤皮

人參

當歸 去蘆

芎藭

阿膠 碎炒

甘草 炙各壹錢

麥門冬 去心 貳錢

半夏 貳錢半

右作一服用水二鍾生薑五片煎至一鍾食前服

小温經湯 簡易

治經候不調血臟冷痛

當歸

附子

炮各等分

右咬咀每服參錢水一盞煎捌分空心溫服

溫經湯

劑和

治婦人血海虛寒月水不調

川芎

當歸

芍藥

蓬朮

各壹錢半

人參

牛膝

各貳錢

桂心

牡丹皮

各壹錢

甘草

半錢

水二鍾煎至一鍾不拘時服

滋血湯

滋養榮血補婦人治血海久冷

當歸

壹錢半

川芎

麥門冬

去心

牡丹皮

人參

芍藥

琥珀

別研各壹錢

半夏麴

官桂

阿膠

炒

酸棗仁

甘草

各半錢

右作一服水二鍾生薑三片煎至一鍾食前服

加味吳茱萸湯

治衝任衰弱月候愆期或前或後

或崩漏不止赤白帶下小腹急痛每至經脉行時

頭眩飲食或少氣滿心怯肌肉不澤悉皆治之

半夏

貳錢

吳茱萸

當歸

各壹錢半

麥門冬

去心

乾薑

白茯苓

苦梗

南木香

防風

牡丹皮

甘草

各壹錢

官桂

北細辛 各半錢

右作一服水二鍾生薑三片紅棗一枚煎至一鍾食前服

桃仁散 治婦人月水不調或淋瀝不斷斷後復來狀如瀉水四體虛倦不能飲食腹中堅痛不可行動月水或前或後或經月不來多思酸物

桃仁 半夏 當歸

川牛膝 桂心 人參

蒲黃 牡丹皮 川芎

澤蘭葉 各壹錢 赤芍藥 生地黄 各壹錢半

粉草 半錢

右作一服水二鍾生薑三片煎至一鍾食前服

薑黃散 治血臟久冷月水不調臍腹刺痛

薑黃 片子者 白芍藥 各貳錢 玄胡索

牡丹皮 當歸 各壹錢半 蓬朮

紅花 桂心 川芎 各壹錢

右作一服水二鍾酒半鍾煎至一鍾不拘時服

紫石英丸 本 治婦人病多是月經乍多乍少或前或

後時發疼痛醫者一類呼為經病不曾說是陰勝陽是陽勝陰所以服藥少效蓋陰氣乘陽則胞寒



氣冷血不運行經所謂天寒地凍水凝成冰故令  
乍少而在月後若陽氣乘陰則血流散溢經所謂  
天暑地熱經水沸溢故令乍多而在月前當別其  
陰陽調其血氣使不相乘以平為期宜服此丸

紫石英

細研水飛

川烏

炮

杜仲

炒去絲

禹餘糧

煨醋

遠志

去心

澤瀉

桑寄生

桂心

龍骨

別研

當歸

人參

肉蓯蓉

酒浸

石斛

乾薑

炮

五味子

甘草

炙各壹兩

牡蠣

煨

川椒

去目并合口者不用

右為細末煉蜜和丸如梧桐子大每服二十九食  
前用米飲湯下

暖宮丸 治衝任虛損下焦久冷月事不調不成孕

育崩漏下血赤白帶下並皆治之

生硫黃

陸兩

赤石脂

火煨

海螵蛸

附子

炮去皮臍各叁兩

禹餘糧

玫瑰兩火煨醋碎

右為細末醋糊為丸如梧桐子大每服三十九空  
心用溫酒或醋湯送下

內補當歸丸 治血氣虛損月水不調或崩中漏下

去血過多肌體羸困及月水將行腰腿重痛並皆

治之

當歸去蘆炒

阿膠炒

白芷

續斷

乾薑炮

芎藭

甘草炙各肆兩

熟地黄半兩焙

附子炮去皮臍

白芍藥

肉桂各貳兩

吳茱萸湯泡焙

白朮各叁兩

蒲黃炒捌錢

右為細末煉蜜和丸如梧桐子大每服五十九空

心用溫酒送下

熟乾地黄丸 治婦人風虛勞冷胃弱水穀不化或

腸虛受冷大便時泄或月水不調淋瀝不止或閉斷不通結聚癥瘕久不成胎一切諸虛之證

熟地黄

五味子各壹兩半

栢子仁炒另研

牛膝去苗酒浸焙

芎藭

禹餘糧火煨醋淬

白茯苓去皮

肉蓯蓉酒浸

卷栢去根

山藥

厚朴去麁皮製

乾薑炮

白芷

細辛去苗

防風已上各壹兩

赤石脂貳兩煨另研

杜仲去麁皮炙

蕪荑炒

人參去蘆

川椒去目并合口者

蛇床子

艾葉炒

續斷各柒錢半

紫石英煨另研水飛

石膏煨另研 當歸去蘆炒 澤蘭去梗

官桂去麋皮各 石斛壹兩壹 甘草炙壹兩

右為細末煉蜜為丸如梧桐子大每服五十九空

心用溫酒或米飲送下

禹餘糧丸 治血虛煩熱月水不調赤白帶下漸成

崩漏

禹餘糧火煨 白石脂各壹兩 附子炮去

鼈甲去羣醋 桑寄生 白朮

厚朴去麋皮 當歸去蘆 柏葉炒

乾薑炮各壹 白芍藥 狗脊去毛各

右為細末煉蜜和丸如梧桐子大每服五十九空

心用溫酒或米飲湯送下

鹿茸丸 治衝任虛損又為風寒所乘尺脉微小甚

者可灸關元穴

鹿茸炙 赤石脂 禹餘糧各壹兩

續斷貳兩 栢葉 附子炮

熟地黃 當歸酒浸 艾葉各柒

右為末酒糊丸梧子大每服五十九空心溫酒下

按此足少陰厥陰藥也今人多用之故收入治血

虛濕勝帶下甚捷

虛實  
調

升陽舉經湯

東垣

治經水不調右尺脉按之空虛是氣

血俱脫大寒證輕手其脉數疾舉指弦緊或澀皆  
陽脫之證陰火亦亡見熱證於口鼻眼或渴此皆  
陰躁陽欲去也當溫之降之引之燥之此法大升  
浮血氣補命門之下脫也諸藥言根近苗處去苗  
便是

柴胡根

當歸根

白朮

黃芪

各叁錢

藁本

去土

羌活根

防風根

各貳錢

紅花

白芍藥

各伍分

獨活根

壹錢半

桃仁

去皮尖  
研拾枚

細辛

陸分

川芎

熟地黃

水中  
沉者

人參

去蘆

黑附子

炮去  
皮臍

甘草

炙各  
壹錢

肉桂

去麋皮  
秋冬  
伍分夏不用

右為麤末每服貳錢水二盞煎至八分空心稍熱服

調經破血之劑

紅花當歸散

治婦人血臟虛竭或

積瘀血經候不調或斷續不定時作腹痛腰膝重  
疼攻刺小腹緊硬及室女月水不通並皆治之

紅花

紫葳

牛膝

白芷

蘇木

槌碎各  
壹錢

桂心

壹錢半

當歸尾

劉寄奴各貳錢

赤芍藥叁錢

甘草半錢

右作一服水一鍾酒一鍾同煎至一鍾空心服

大玄胡索散 治婦人經病并產後腹痛或腹滿喘

悶或癥瘕癖塊及一切心腹暴痛

玄胡索

赤芍藥

川棟子去核

蓬莪朮

京三稜煨

厚朴黃豆制

當歸

黃芩

川芎

桔梗

檳榔各壹錢

木香

官桂去麤皮

甘草各半錢

大黃貳錢

右作一服水二鍾煎至一鍾食前服

鼈甲丸 治婦人月經不調肌肉黃瘁脇下積氣結

痛時發刺痛漸成勞狀

鼈甲去羸 醋炙

桂心

三稜醋煮

牡丹皮

牛膝去苗

琥珀

訶子取肉

菝仁去皮尖雙 仁者麩炒

土瓜根

大黃煨已上 各等分

右為細末煉蜜為丸如梧桐子大每服十五丸食

前用桃仁湯送下

心月經不調

陰獨

三分此先大効須待經定 為度在足四指間三壯

東又法內踝下白肉際青脉上灸隨年壯

集又法 中極 三陰交 腎俞 氣海

心經閉久忽大崩復又斷絕復又大行不調者 豐

隆六分 石門五分

婦人五旬經斷後再行或多或少或癆或紅並下腹

中氣滿如胎孕 天樞 中脘 氣海各五分

甲婦人漏下苦血閉不通逆氣脹血海主之 女子

胞中痛月水不以時休止天樞主之千金作腹脹腸鳴氣上衝胸

小腹脹滿痛引陰中月水至則腰脊痛胞中痕子

身痛產寶經水者行氣血通陰陽以榮於身者也氣

血盛陰陽和則形體通或外虧衛氣之充養內乏榮

血之灌溉血氣不足經候欲行身體先痛也

越痛散 治血氣虛寒身體作痛

虎骨伍銖 茯苓 甘草

藁本 防風 白芷

當歸 芍藥 續斷

白朮 附子各叁銖

右為麤末每服五錢水二盞薑五片棗二枚煎至

一盞不拘時服

良婦人經來腹痛由風冷客於胞絡衝任或傷

手太陽少陰經用溫經湯桂枝桃仁湯若憂思氣鬱

而血滯用桂枝桃仁湯地黄通經丸方見經閉若血結而

而成塊用萬病丸 薛前證若風寒傷脾者六君子

加炮薑方見雜病虛勞思慮傷血者四物加參朮方見雜病虛勞思

慮傷氣者歸脾加柴梔方見雜病健忘鬱怒傷血者歸脾道

遙兼服餘參前後論治之 戴經事來而腹痛者經

事不來而腹亦痛者皆血之不調故也欲調其血先

調其氣四物湯加吳茱萸半錢香附子壹錢和氣飲

加茱萸半錢亦可用痛甚者玄胡索湯然又恐感外

邪傷飲食致痛痛不因血尤宜詳審和氣飲却兼

治因冷而節因節而痛宜大溫經湯冷甚者去麥門

冬不用

丹抑氣丸治臨經之時腹痛以四物湯加玄胡索陳

皮牡丹皮甘草痛甚以豆淋酒痛少以童便煮香附

入條芩為丸經水將來而痛者四物湯加桃仁香附

黃連

海入物湯 治經事將行臍腹絞痛臨經痛者血澀

故也

川芎 貳錢

當歸

芍藥

將行時痛為滯

熟地黄

各貳錢

木香

檳榔

玄胡索

苦棟

碎炒焦各壹錢

右作一服水二鍾煎至一鍾食前服

本治婦人月經雍滯每發心腹臍疔痛不可忍及治

產後惡露不快血上搶心迷悶不省氣絕欲死者

琥珀散

京三稜

蓬莪朮

赤芍藥

劉寄奴

牡丹皮

熟地黄

官桂

菊花

真蒲黃

當歸各壹兩

濟生方無菊花蒲黃有玄胡索烏

藥

右前五味用烏豆一升生薑半斤切片米醋四升

同煮豆爛為度焙乾入後五味同為末每服二錢

溫酒調下空心食前服一方不用菊花蒲黃用烏

藥玄胡索亦佳予家之秘方也若是尋常血氣痛

只一服產後血衝心二服便下常服尤佳予前後

救人急切不少此藥亦宜多合以濟人

大交加散

治榮衛不和月經湛濁逐散惡血腹痛

經血諸疾並皆治之

生薑

貳斤搗取汁存滓用

生地黄

貳斤取汁存滓

白芍藥



當歸

桂心 各壹兩

紅花 炒無惡血不用

沒藥

另研各半兩

玄胡索

醋紙包煨熟用布擦去皮

蒲黃

隔紙炒各壹兩

右將地黄汁炒生薑滓生薑汁炒地黄滓各焙乾

用諸藥為細末每服三錢温酒調下 若月經不

依常蘇木煎酒調下 若腰痛糖酒調下

交加地黄丸 治婦人經不調血塊氣痞肚腹疼痛

生地黄

搗汁存滓

老生薑

搗汁存滓各壹斤

玄胡索

當歸

川芎

芍藥

各貳兩

明沒藥

木香

各壹兩

桃仁

去皮尖

人參

各半兩

香附

半斤

右為末先以生薑汁浸地黄滓以地黄汁浸生薑

滓晒乾皆以汁盡為度共十一味作一處晒乾研

為末醋糊為丸空心以薑湯下

大交加散 治婦人榮衛不通經脉不調腹中撮痛

氣多血少結聚為癥產後中風

生地黄

生薑

各伍兩各研取汁

右交互取汁浸一夕各炒黃漬汁盡為度末之尋

常腹痛酒調下二錢產後尤不可闕

温經湯

方見前

雲桂枝桃仁湯

治經候前先腹痛不可忍

桂枝

芍藥

生地黃

各貳兩

桃仁

肆拾枚

甘草

壹兩

右為麤末每服五錢水二盞薑三片棗一枚同煎

去滓溫服

玄胡索湯

濟治

入室女七情傷感遂使血與氣併

心腹作痛或逆腰脇或引背脊上下攻刺甚作摘

搦經候不調但是一切血氣疼痛並可服之

當歸

去蘆酒浸剉炒

玄胡索

炒去皮

蒲黃

炒

赤芍藥

官桂

不見火各半兩

片子薑黃

洗

乳香

沒藥

木香

不見火各叁錢

甘草

炙貳錢半

右咬咀每服四錢水一盞半生薑七片煎至七分

去滓食前溫服 吐逆加半夏橘紅各半兩

丹瘀血

香附子

醋煮肆兩

桃仁

去皮尖

牡丹皮

大黃

蒸

當歸

各壹兩

川芎

紅花

各半兩

瓦龍子

煨醋煮一晝夜貳兩

右炊餅為丸空心溫酒下三四丸

三神丸

治室女血氣相搏腹中刺痛痛引心端經

周經

女科

五十九

行澀少或經事不調以致疼痛

橘紅 貳兩

玄胡索 去皮醋煮

當歸 去蘆酒浸到略炒各壹兩

右為細末酒煮米糊為圓如梧桐子大每服七十圓加至百圓空心艾湯送下米飲亦得

垣柴胡丁香湯 治婦人年三十歲臨經預先臍腰

痛甚則腹中亦痛經縮二三日

柴胡

羌活

丁香

全蝎

當歸身

生地黄

右都作一服水四盞煎至一盞去查稍熱食前服

沒藥除痛散 逐寒邪瘵腹痛

蓬朮 炮壹兩

當歸 焙

玄胡索

五靈脂

肉桂 去麋皮

良薑 炒

蒲黃 炒

甘草 炙

沒藥 各半兩

右為末每服五錢温酒調服

婁一婦人三十歲每因浴後必用冷水淋通身又嘗

大驚遂患經來時必先少腹大痛口吐涎水然後經

行行後又吐水二日其痛直至六七日經水止時方

任百藥不効予診其脉寸滑大而弦關尺皆弦大而

急尺小於關關小於寸所謂前大後小也遂用香附

參兩半夏貳兩茯苓黃芩各壹兩半枳實玄胡牡丹

皮人參當歸白朮桃仁各壹兩黃連柴錢川棟遠志  
甘草各半兩桂叁錢茺蔚壹錢半分十五貼水煎入  
生薑汁兩蜆殼熱服後用熱湯洗浴得微汗乃已忌  
當風坐臥手足見水并喫生冷服三十貼全愈半年  
後又因驚憂前病復舉腰腹時痛小便淋閉心惕惕  
跳驚悸予意其表已解病獨在裏先與灸少衝勞官  
崑崙三陰交止悸定痛次用桃仁承氣大下之下後  
用香附叁兩蓬朮當歸身各壹兩半三稜玄胡索桂  
大黃青皮俱醋制青木香懷香滑石木通桃仁各壹  
兩烏藥甘草縮砂檳榔苦楝肉各半兩木香吳茺萸  
各貳錢分作二十貼入新取牛膝濕者貳錢生薑五  
片用荷葉湯煎服服訖漸安

右行血例

加味烏沉湯

治婦人經水欲來臍腹疔痛

烏藥

縮砂

木香

玄胡索

各壹兩

香附

炒去毛  
貳兩

甘草

壹兩半

右細剉每服七錢水一盞半生薑三片煎至七分  
不拘時溫服

右抑氣例

薛一婦人經行腹痛食則嘔吐肢體倦怠發熱作渴

謝經  
此乃素稟氣血不足用八珍湯二十餘貼而愈後生子二年而經不行前證仍作服八珍湯逍遙散百餘劑方愈入珍湯即雜病虛勞門入物湯

右補虛例

汪一婦人瘦小年二十餘經水紫色或前或後臨行腹痛甚寒喜熱或時感寒腹亦作痛脉皆細濡近滑兩尺重按略洪而滑此血熱也或謂惡寒如此何謂為熱曰熱極似寒也遂用酒煮黃連肆兩香附歸身尾各貳兩五靈脂壹兩為末粥丸空腹吞之而愈

一婦年二十一歲六月經行腹痛如刮難忍求死脉得細軟而駛尺則沉弱而近駛汪曰細軟屬濕數則為熱尺沉屬鬱滯也以酒煮黃連半斤炒香附陸兩五靈脂半炒半生叁兩歸身尾貳兩為末粥丸空心湯下三四錢服至五六料越九年得一子又越四年經行兩月不斷腹中微痛又服前丸而愈續後經行六七日經止則流清水腹中微痛又服前丸而痛亦止又經住只有七八日若至行時或大行五六日續則適來適斷或微紅或淡紅行後常流清水小腹大痛漸連遍身胸背腰腿骨裏皆痛自已至酉乃止痛至則遍身冷熱汗大出汗止痛減尚能飲食自始痛至

今歷十五年前藥屢服屢効今罔効者何也汪復診之脉皆洪滑無力幸其尚有精神汪曰此非舊日比矣舊乃鬱熱今則虛寒東垣曰始為熱中終為寒中是也經曰脉至而從按之不鼓乃陰盛隔陽當作寒治且始病時而形斂小今則形肥大矣醫書曰瘦人血熱肥人氣虛豈可同一治耶所可慮者汗大泄而脉不為汗衰血大崩而脉不為血減耳其痛日重夜輕知由陽虛不能健運故亦凝滯而作痛以證參脉宜用助陽若得脉減痛輕方為佳兆遂投參芪歸朮大劑加桂附一貼來早再診脉皆稍寧服至二三十貼時當二月至五月病且愈蓋病有始終寒熱之異藥有前後用舍不同形有肥瘦壯少不等豈可以一方而通治哉

丹經過後而作痛者乃虛中有熱所以作痛  
新荷姐頭痛口乾經行後身痛腰甚痛

生地黃

白朮

芍藥 各壹錢

芩藜

歸身尾

各伍分

黃蘗 炒

甘草

各各叁分

右用水入少酒煎服

按經後腹痛為虛明甚若脉不數證無顯熱未可斷其為熱也無熱八珍為宜有熱逍遙為宜

右寒熱例

**吳茱山治**一婦經血過多五心煩熱日晡潮熱諸藥不効以四物加胡黃連三服而愈薛新甫治

一婦人發熱口乾月經不調兩腿無力服祛風滲濕之劑腿痛體倦二膝浮腫經事不通薛作肝脾腎三經血虛火燥證名鶴膝風用六味八味二丸兼服兩月形體漸健飲食漸進膝腫漸消不半載而痊前證若脾腎虛寒腿足軟痛或足膝枯細用八味丸若飲食過多腿足或醫內瘦脹或浮腫作痛用補中益氣加茯苓半夏土之一婦人經候過期發熱倦怠或

用四物黃連之類及兩月一度且少而成塊又用峻藥通之兩目如帛所蔽薛曰脾為諸陰之首目為血脉之宗此脾傷五臟皆為失所不能歸于目矣遂用補中益氣濟生歸脾二湯專主脾胃年餘尋愈一婦人月事未期而至發熱自汗服清熱止汗之劑反作渴頭痛手掉身麻此因肝經風熱用柴胡炒苓連炒山梔歸芍生地丹皮各壹錢參芪苓朮各壹錢伍分川芎七分甘草五分二劑其汗全止更以補中益氣而愈凡發熱久者陽氣亦自病須調補之一婦人氣血素虛經行不調飲食少思日晡熱甚用十全

大補加山茱萸山藥丹皮麥門冬五味子而愈次年  
 秋患寒熱或用清脾飲而元氣愈弱仍以前藥而愈  
 一婦人素勤苦冬初患咳嗽發熱久而吐血盜汗  
 經水兩三月一至遍身作痛或用化痰降火藥口噤  
 筋攣此血虛而藥益損耳用加減八味丸及補中益  
 氣加來門五味山藥治之年餘而痊  
 經水適來適斷者或有往來寒熱者先服小柴  
 胡湯以去其寒熱後以四物湯和之  
 本婦人血脈不調往來寒熱狀如勞倦

當歸

川芎

甘草

黃芪

官桂

去麩皮

熟地黄

白朮

白芍藥

各壹兩

柴胡

阿膠

各半兩

為細末每服五錢棗一枚水煎空心溫服白湯點  
 服亦得常服不生帶下調血脈養子宮終身無病  
 太倉公治一女病腰背痛寒熱眾醫皆以為寒熱也  
 公診之曰內寒月事不下也即竄以藥旋下病已病  
 得之欲男子不可得也所以知其病者診其脈時切  
 之腎脈也嗇而不屬嗇而不屬者其來難堅故曰月  
 不下肝脈弦出左口故曰欲男子不可得也蓋男子



以精為主婦人以血為主男子精盛則思室女子月  
 盛則懷胎夫肝攝血者也厥陰弦出寸部又上魚際  
 則陰血盛可知矣別詳師尼 寡婦條內薛新甫治一婦人耳  
 內或耳後項側作痛寒熱口苦月經不調此肝火氣  
 滯而血凝用小柴胡加山梔川芎丹皮治之諸證悉  
 退 月事不行而寒熱者詳經閉門

**熱入血室**

良婦人傷寒傷風發熱經水適來晝則安  
 靜暮則譫語有如癡狀此為熱入血室治者無犯胃  
 氣及上二焦宜服小柴胡湯若脈遲身涼當刺期門  
 穴下針病人五吸停針良久徐徐出針凡針期門穴  
 必瀉勿補肥人二寸瘦人寸半也 薛前證若因勞

役或怒氣發熱適遇經行而患前證者亦用小柴胡  
 湯加生地黄治之血虛用四物加柴胡若病既愈而  
 熱未已或元氣素弱竝用補中益氣湯脾氣素鬱用  
 濟生歸脾湯血氣素虛用十全大補湯 許學士治  
 一婦人病傷寒發寒熱遇夜則如見鬼狀經六七日忽  
 然昏塞涎響如引鋸牙關緊急瞑目不知人病勢危  
 困許視之曰得病之初曾值月經來否其家云經水  
 方來病作而經遂止得一二日發寒熱晝雖靜夜則  
 有鬼祟從日昨不省人事許曰此乃熱入血室證仲

景云婦人中風發熱惡寒經水適來晝則明了暮則  
譊語如見鬼狀發作有時此名熱入血室醫者不曉  
以剛劑與之遂致胸膈不利涎潮上脫喘急息高昏  
冒不知人當先化其痰後除其熱乃急以一呷散投  
之兩時頃涎下得睡省人事次授以小柴胡湯加生  
地黃二服而熱除不汗而自解矣 一婦人患熱入  
血室證醫者不識用補血調氣藥治之數日遂成血  
結胸或勸用前藥許公曰小柴胡已遲不可行也無  
已刺期門穴斯可矣予不能針請善針者治之如言  
而愈或問熱入血室何為而成結胸也許曰邪氣傳  
入經絡與正氣相搏上下流行遇經水適來適斷邪  
氣乘虛入于血室血為邪所迫上入肝經肝受邪則  
譊語而見鬼復入膻中則血結于胸中矣何以言之  
婦人平居水養木血養肝方未受孕則下行之為月  
水既孕則中畜之以養胎及已產則上壅之以為乳  
皆血也今邪逐血併歸于肝經聚于膻中結于乳下  
故手觸之則痛非藥可及故當刺期門也 虞恒德  
治一少婦夏月行經得傷寒似瘧譫語狂亂諸醫皆  
以傷寒內熱投雙解散解毒湯服之大汗如雨反如  
風狀次以牛黃丸金石之藥愈投愈劇一日延虞診

視脉弦而大虞思傷寒內熱狂亂六陽俱病豈不口  
乾舌黑况脉不數病體捫之或熱或靜其腹急痛意  
必有內傷在前傷寒在後今傷寒得汗雖已內傷則  
尚存故也因細問之患者曰正行經時因飲食後多  
汗用冷水抹身因得此證方知冷水外閉其汗內阻  
其血邪熱入室經血未盡血得邪熱乍靜乍亂寒熱  
譫語掉眩類風須得玉燭散下之而愈下後譫語已  
定次以四物小柴胡湯調理五日熱退身涼其患遂  
瘳 衍義云一婦人温病已十二日診之其脉六七  
至而濇寸稍大尺稍小發寒熱頰赤口乾不了了耳

聾問之病數日經水乃行此屬少陽熱入血室也若  
治不對病則必死乃按其證與小柴胡湯服之二日  
又與小柴胡湯加官桂乾薑一日寒熱遂止又云臍  
下急痛又與抵當丸微利臍下痛瘞身漸涼脉漸勻  
尚不了了乃復與小柴胡湯次日但胸中熱躁口鼻  
乾又少與調胃承氣湯不得利次日心下痛又與大  
陷胸湯半服利三行次日虛煩不寧時安有所見復  
狂言雖知其尚有燥屎以其極虛不敢攻之遂與竹  
葉湯去其煩熱其夜大便自通至晚兩次中有燥屎  
數枚而狂言虛煩盡解但咳嗽唾此肺虛也若不治

恐成肺痿遂與小柴胡湯去人參大棗生薑加乾薑  
 五味子湯一日咳減二日而病悉愈以上皆用仲景  
 方 薛立齋治一婦人經行感冒風寒日間安靜至  
 夜譫語用小柴胡加生地治之頓安但內熱頭暈用  
 補中益氣加蔓荊子而愈後因惱怒寒熱譫語胸脇  
 脹痛小便頻數月經先期此是肝火血熱妄行用加  
 味道遙加生地黄而愈 一婦人因怒寒熱頭痛譫  
 語日晡至夜益甚而經暴至蓋肝藏血此怒動火而  
 血妄行用加味道遙散加生地黄治之神思頓清但  
 食少體倦月經未已蓋脾統血此脾氣虛不能攝血  
 用補中益氣治之月經漸止 一婦人懷抱素鬱感  
 冒經行譫語服發散之劑不應用寒涼降火前證益  
 甚更加月經不止肚腹作痛嘔吐不食痰涎自出此  
 脾胃虛寒用香砂六君脾胃漸健諸證漸退又用歸  
 脾湯而全愈

加味小柴胡湯 治婦人傷風續得寒熱發作有時  
 經水適斷此為熱入血室其血必結致如瘧狀

柴胡 各錢

半夏

黃芩 各錢

生地黄

人參 各錢

甘草 半錢

作一服水二鍾薑五片棗二枚煎一鍾不拘時服

乾薑柴胡湯 治婦人傷寒經脈方來熱入血室寒熱如瘧或狂言見鬼

柴胡 壹錢

桂枝 叁分

枯薑根 伍分

牡蠣 煨

乾薑 炮

甘草 各叁分

右水煎服汗出而愈

海蛤散 治婦人傷寒血結胸膈宜服此藥及針期門穴

海蛤

滑石 煨水飛

甘草 各伍錢

芒硝 壹兩

右為末每服二錢用鷄子清調下小腸通利其結血自散更用桂枝紅花湯發其汗則愈

汪石山治一婦經行必瀉三日然後行診其脈

皆濡弱此脾虛也脾屬血屬濕經水將動脾血先已流注血海然後下流為經脾血既虧則虛而不能運行其濕今作參苓白朮散每服二錢一日米飲調下二三次月餘經行不瀉矣 一婦年逾四十形長色脆病經不調右脈浮軟而大左脈虛軟而小近駛嘗時經前作泄今年四月感風咳嗽用湯洗浴汗多因泄一月六月復因洗浴發瘧六次瘧雖止而神思不爽至八月盡而經水過多白帶時下瀉泄遂覺右

脚疼痛舊曾閃脚跟今則假此延痛臀腿腰脇尻  
骨頸項右邊筋皆掣痛或咳嗽一聲則腰眼痛如腰  
札日輕夜重叫號不已幸痛稍止飲食如常今詳月  
水過多白帶時下日輕夜重瀉泄無時亦屬下多亡  
陰宜作血虛論治服四物止痛之劑益甚九月汪復  
診視始悟此病乃合仲景所謂陽生則陰長之法矣  
夫經水多白帶下常泄瀉皆由陽虛陷下而然命曰  
陽脫是也日輕夜重蓋日陽旺而得健運之職故血  
亦無凝滯之患而日故輕也夜則陰旺而陽不得其  
任失其健運之常血亦隨滯故夜重也遂以參朮助  
陽之藥煎服五七貼痛減此亦病證之變治法殊常  
故記之

**月水不斷** 婦人月水不斷淋瀝無時或因勞損氣血  
而傷衝任或因經行而合陰陽皆令氣虛不能攝血  
若時止時行腹痛脉沉細此寒熱邪氣客於胞中非  
因虛弱也 **薛前證** 若鬱結傷脾用歸脾湯志怒傷  
肝逍遙散肝火妄動加味四物湯脾氣虛弱六君子  
湯元氣下陷補中益氣湯熱傷元氣前湯加五味麥  
門炒黑黃蘗 儒者錢思習子室年三十餘無嗣月  
經淋瀝無期夫婦異處幾年矣思習欲為娶妾以謀

諸余謂此鬱怒傷肝脾虛火動而血不歸經乃肝不能藏脾不能攝也當清肝火補脾氣遂與加味歸脾道遙二藥四劑送至其家仍告其姑曰服此病自愈而當受胎妾可無娶也果病愈次年生子 一婦人性急每怒非太陽耳項喉齒胸乳作痛則胸滿吞酸吐瀉少食經行不止此皆肝火之證肝自病則外證見土受尅則內證作余先以四物加白朮茯苓柴胡炒梔炒龍膽清肝養血次用四君子加柴胡芍藥神麴吳茱萸炒黃連以培土制肝漸愈惟月經不止是血分有熱脾氣尚虛以道遙散信用白朮茯苓陳皮又以補中益氣加酒炒芍藥兼服而安 一婦人多怒經行旬餘方止後淋瀝無期肌體倦瘦口乾內熱盜汗如洗日晡熱甚皆由肝脾虧損無以生發元氣用參芪歸朮茯苓神遠志棗仁麥門五味丹皮龍眼肉炙草柴胡升麻治之獲痊 一婦人懷抱不舒腹脹少寐飲食素少痰涎上湧月經頻數余曰脾統血而主涎此鬱悶傷脾不能攝血歸源耳用補中益氣濟生歸脾而愈

膠艾湯 治勞傷血氣衝任虛損月水過多淋瀝不

斷

阿膠炒

川芎

甘草炙各貳兩

當歸

艾葉炒各叁兩

熟地黄

白芍藥各肆兩

右咬咀每服半兩水煎 一方有黃芪

續斷丸全大治月水不斷口乾心煩四肢羸乏飲食減

少

川續斷

當歸

烏鰂骨

黃芪

牛角腮燒

五味子

甘草

龍骨煨研

赤石脂

熟地黄各壹兩

地榆半兩

艾葉

附子

乾薑

川芎各半錢半

右為末煉蜜丸梧子大每服三十丸空心溫酒下

禹餘糧丸 治久冷月水不斷面黃肌瘦虛煩減食

禹餘糧貳兩

鹿角膠未錢半粉炒

紫石英

續斷

赤石脂

熟地黄

川芎各壹兩

乾薑

黃芪

艾葉

栝葉炒

當歸炒

人參

白茯苓各半兩

右為末煉蜜丸梧子大每三十九丸空心米飲下

牡蠣丸 治血海虛損月水不斷



牡蠣粉

赤石脂

代赭石 各壹兩

阿膠

川芎

當歸

鹿茸

續斷

乾薑

甘草 貳錢半

右為末煉蜜丸梧子大每服二十九空心溫酒下

經驗方 治經血不止

黃芩

當歸

栢葉

蒲黃

生薑

艾葉

生地黄

伏龍肝

右咬咀用水二升煎取八合分二服

又經血不止詩云 婦人經血久淋漓舊薑蓮蓬燒

作灰熱酒一杯調八字自然安樂更無疑

又方 蓮蓬殼 拒霜花 貳味等分 為末每服二錢空心

米飲調下

伏龍肝散 和劑 治血氣勞傷衝任脉虛經血非時注下

或如豆汁或成血片或五色相雜臍腹冷痛月經

不止

伏龍肝

麥門冬

赤石脂

熟地黄

艾葉

當歸

川芎

肉桂

乾薑

各貳錢半

去麤皮

炮

去心

各壹錢

炒各壹錢半

炒去蘆

甘草 各半錢

右作一服水二鍾紅棗二枚煎至一鍾食前服

固經丸 治經水過多不止乃陰挾熱所致法當補

陰清熱

黃礫 參兩

龜板 炙肆兩

黃芩 貳兩

白芍藥 參兩

樗根皮 壹兩半

香附子 童便製壹兩半

右為細末酒糊丸梧子大每以空心食前白湯下

五七十九

**月水不利**良婦人月水不利者由勞傷氣血體虛而

風冷客於胞內傷於衝任之脉故也若寸脉弦關脉

沉是肝病也兼主腹痛孔竅生瘡尺脉滑血氣實經

絡不利或尺脉絕不至兼主小腹引腰痛氣攻胸膈

也薛前證屬肝膽二經蓋肝膽相為表裏多因恚

怒所傷若本經風熱用補肝散方見脇痛門血虛用四物

加酸棗仁若腎水不足用六味丸若患諸瘡瘍治見

後

牛膝散 治月水不利臍腹作痛或小腹引腰氣攻

胸膈

牛膝 酒製壹兩

桂心

赤芍藥

桃仁 去皮尖

玄胡索 炒

當歸 酒浸

牡丹皮

木香

各茶錢半

右為末每服一錢空心温酒調下

牡丹散 治月候不利腹臍疼痛不欲食

牡丹皮

大黃

炒各壹兩

赤茯苓

枳仁

生地黄

當歸

桂心

赤芍藥

白朮

各茶錢半

石韋 去毛

木香

各半兩

右咬咀每服三錢水一盞薑三片煎七分空心温

服

產寶方

治女人月經不利臍下氣脹上攻欲嘔不

得睡

當歸 肆錢

乾漆

各三錢炒令煙盡

右為細末蜜丸梧子大空心温酒下十五丸

養榮湯 治婦人血海虛弱心中恍惚時多驚悸或

發虛熱經候不調

白芍藥

川芎

熟地黄

薑黃

當歸

川薑

青橘皮

五加皮

牡丹皮

海桐皮

白芷

各等分

每服五錢水一盞半生薑五片烏梅一箇煎至一

益溫服不拘時送紫桂丸五十粒紫桂丸方見帶下

**過期不止**

產寶云男子生於寅寅屬木陽中有陰故

男子得八數女子生於申申屬金陰中有陽女子得七數男以氣為主八八則卦數已盡盡則陽精痿女以血為主七七則卦數已終終則經水絕任衝脉虛衰天癸絕地道不逆而無子矣或勞傷過度喜怒不時經脉衰微之際又為邪氣攻衝所以當止不止而崩下也 許學士云婦人經脉過期不及腰腹疼痛或七七數盡而月經下者宜用當歸散治之 當歸散 治婦人天癸已過期經脉不勻或三四月

不行或一月再至腰腹疼痛素問云七損八益謂

女子七數盡而經不依時者血有餘也不可止之

但令得依時不腰痛為善 方見前調經平劑條

**竹芩心丸**

治婦人四十九歲已後天癸當住每月

却行或過多不止用黃芩心枝條者二兩米泔浸

七日炙乾又浸又多如此七次為末醋丸如桐子

大每服七十九空心溫酒送下日進二服

右二方熱者宜之

**茸附湯**

補任衝調血氣

**乾薑**

肆兩

**肉桂**

去麋皮

**附子**

經過期不止為熱有餘

龍骨

生用

防風

各壹兩

牡蠣

燉

當歸

各貳兩

鹿茸

酒炙

每服半兩水二鍾煎八分溫服

補中芎藭湯

治風虛冷熱勞傷衝任月水不調崩

中暴下產後失血過多虛羸腹痛或妊娠胎動不

安下血

當歸

乾薑

炮各參兩

川芎

蜜炙

黃芪

甘草

炙

吳茱萸

炮黃

杜仲

炒

熟地黄

人參

各壹兩

每服三錢水一鍾半煎一鍾空心服

右二方寒者宜之蓋亦有血海虛寒而不禁者也

薛前證若肝腎虛熱用當歸散肝血虛熱四物加柴

梔丹皮肝火內動小柴胡加山梔丹皮肝火血燥加

味逍遙散脾經鬱火加味歸脾湯肝脾鬱火歸脾道

遙兼服肝腎虧損歸脾六味兼服仍與前後月經不

調治驗同用 一婦人年五十內熱晡熱經水兩三

月一至此血虛有熱用逍遙散加山茱萸治之而愈

後有痰作渴或小便不調或頭暈白帶用六味丸而

安

脉問曰婦人年五十數一朝而清血一二三日不止何

止何以治之師曰此婦人前絕生經水不下今反清  
血此為居經不須治當自止經水下常五日止者五  
日愈

經閉

內經陰陽別論云二陽之病發心脾有不得隱曲女  
子不月其傳為風消為息賁者死不治 潔古曰女  
子月事不來者先瀉心火血自下也內經曰二陽之  
病發心脾有不得隱曲故女子不月其傳為風消王  
啓玄注曰大腸胃熱也心脾受之心主血心病則血  
不流脾主味脾病則味不化味不化則精不足故其  
病則不能隱曲脾土已虧則風邪勝而氣愈消也又  
經曰月事不來者胞脉閉也胞脉屬於心絡於胞中  
今氣上迫肺心氣不得下通故月事不來先服降心

火之劑後服局方中五補丸後以衛生湯治脾養血也 李東垣曰經閉不行有三補前人之闕 婦人

脾胃久虛形體羸弱氣血俱衰而致經水斷絕不行或病中消胃熱善食漸瘦津液不生夫經者血脉津

液所化津液既絕為熱所燬肌肉漸瘦時見渴躁血海枯竭名曰血枯經絕宜瀉胃之燥熱補益氣血經

自行矣此病或經適行而有子子亦不成而為胎病者有矣此中焦胃熱結也 或心包絡脉洪數躁作時見大

便秘澀小便雖清不利而經水閉絕不行此乃血海乾枯宜調血脉除包絡中火邪而經自行矣此下焦胞脉熱也 或因勞心心火上行月事不來者胞脉閉也包

脉者屬於心而絡於胞中今氣上迫肺心氣不得下通故月事不來宜安心補血瀉火經自行矣此上焦心熱也 裴澤之夫人病寒熱月事不至者數年又加喘

嗽醫者率以蛤蚧桂附投之曰不然夫人病陰為陽所搏溫劑太過故無益反害投以涼劑涼血和血藥

則行矣已而果然

五補丸局方補諸虛安五臟堅骨髓養精神

熟地黄

人參

牛膝

酒浸去蘆焙乾

白茯苓

地骨皮

各等分

右為細末煉蜜丸如梧子大每服三五丸溫酒下空心服

衛生湯

當歸

白芍藥

各貳兩

黃芪

叁兩

甘草

壹兩

右為末每服半兩水二盞煎至一盞溫服空心如虛者加人參壹兩

右東垣潔古治血枯之法皆主於補血瀉火也補血者四物之類瀉火者東垣分上中下故火在中則善食消渴治以調胃承氣之類火在下則大小

秘澀治以玉燭之類玉燭者四物與調胃承氣等分也火在上則得於勞心治以芩連及三和之類三和者四物涼膈當歸等分也潔古先服降心火之劑者蓋亦芩連三和玉燭之類後服五補衛生者亦補氣之劑也

**素**帝曰有病胸脇支滿者妨於食病至則先聞腥臊臭出清液先唾血四肢清目眩時時前後血病名為何何以得之岐伯曰病名血枯此得之少年時有所大脫血若醉入房中氣竭肝傷故月事衰少不來也帝曰治之奈何岐伯曰以四烏鱧骨一蘆茹二味并



合之丸以雀卵大如小豆以五丸為後飯飲以飽魚

汁利腸中及傷肝也腹中詢○王註云烏鰂魚骨主血閉蘆茹主散惡血雀卵主血

痿鮑魚主瘀血河間宣明論方烏鰂骨蘆茹各等分雀卵不拘數和丸小豆大海服五丸至十九煎鮑魚湯下食後日三服壓以美膳

服壓以美膳

右岐伯河間治血枯之法

丹血枯經閉者四物湯加桃仁紅花 陰虛經脈久

不通小便短澀身疼者四物加蒼朮牛膝陳皮生甘

草作湯又用蒼莎丸加蒼耳酒芍藥為丸就煎前藥

吞下

右丹溪治血枯大法

醫夫經水陰血也屬衝任二脉主上為乳汁下為月

水其為患有因脾虛而不能生血者有因脾鬱傷而

血耗損者有因胃火而血消燬者有因脾胃損而血

少者有因勞傷心而血少者有因怒傷肝而血少者

有因腎水不能生肝而血少者有因肺氣虛不能行

血而閉者治療之法若脾虛而不行者調而補之脾

鬱而不行者解而補之胃火而不行者清而補之脾

胃損而不行者調而補之勞傷心血而不行者靜而

補之怒傷肝而不行者和而補之肺氣虛而不行者

補脾胃腎虛而不行者補脾肺經云損其肺者益其

補脾胃腎虛而不行者補脾肺經云損其肺者益其

氣損其心者調其榮衛損其脾者調其飲食適其寒  
溫損其肝者緩其中損其腎者益其精審而治之庶  
無誤矣 一婦人停食飽悶發熱或用人參養謂湯  
益甚再用木香檳榔丸泄瀉吐痰腹中成塊飲食少  
思又肝二陳黃連厚朴之類前證益甚腹脹不食月  
經不至余以為胃氣虧損用補中益氣加茯苓半夏  
三十餘劑脾胃健而諸證愈又二十餘劑而經自行  
一婦人飲食後或腹脹或吞酸彼服枳朮丸吞酸  
益甚飲食日少胸膈痞滿腿內酸痛畏見風寒又服  
養胃湯一劑腿內作痛又一劑腿膝浮腫月經不行  
余謂鬱結所傷脾虛溼熱下注侵晨用四君二陳芎  
歸午後以前湯送越鞠丸飲食漸進諸證漸愈又用  
歸脾八珍二湯兼服兩月餘而經行 一婦人性沈  
多慮月經不行胸滿少食或作脹或吞酸余以為中  
氣虛寒用補中益氣加砂仁香附煨薑二劑胸膈和  
而飲食進更以六君加芎歸貝母桔梗生薑大棗數  
劑脾胃健而經自調矣 一婦人素有胃火或用清  
胃散而安後因勞役躁渴內熱肌肉消瘦月經不行  
余謂此胃火消燦陰血用逍遙散加丹皮炒梔以清  
胃熱用八珍湯加茯苓遠志以養脾血而經自行矣

婦人久患瘡形體怯弱內熱晡熱自汗盜汗飲食少思月事不行或用通經丸虛證人具余曰此因虛而致瘡因瘡以閉經也用補中益氣及六味地黃丸各百餘劑瘡愈而經行 一婦人久患瘡瘡作則經不行形虛脉大頭痛懶食大便泄瀉小便淋瀝口乾唇裂內熱腹膨蓋由久瘡正氣已虛陰火獨旺用補中益氣湯治之尋愈惟不時頭痛乃加蔓荊子而痛止又兼用六味地黃丸而經行 一婦人因勞耳鳴頭痛體倦此元氣不足用補中益氣加麥門五味而痊三年後得子因飲食勞倦月經不行晡熱內熱自汗盜汗用六味地黃丸補中益氣湯頓愈 一婦人胃氣素弱為哭母吐血咳嗽發熱盜汗經水三月不行余以為悲則傷肺思則傷脾遂朝服補中益氣加桔梗貝母知母夕用歸脾湯送地黃丸而愈 一癡婦少寐經水兩月餘一至誤服通經丸展轉無寐午前惡寒午後發熱余以為思慮虧損脾血用歸脾湯作丸午前以六君送下午後以逍遙散送下兩月餘得寐半載經行如期年餘而瘡愈

右薛氏治血枯大法以補養真元為主蓋本易水師弟之旨而廣之王道也

下利經  
斷者利  
止自來

脉問曰婦人病下利而經水反斷者何也師曰但當  
止利經自當下勿怪所以利不止而血斷者但下利  
亡津液故經斷利止津液復經當自下 問曰婦人  
病經水斷一二月而反經來今脉反微澀何也師曰  
此前月中若當下利故令妨經利止月經當自下此  
非軀也 婦人血下咽乾而不渴其經必斷此榮不  
足本自有微寒故不引飲渴而引飲者津液得通榮  
衛自和其經必復下

有腹痛  
痞咽為  
汗血老  
瘵

仲婦人之病因虛積冷結氣為證經水斷絕至有歷  
年血寒積結胞門寒傷經絡凝堅在上嘔吐涎沫久  
成肺癰形體損分在中盤結繞臍寒疝或兩脇疼痛  
與臟相連或結熱中病在關元脉數無滄肌若魚鱗  
時着男子非止女身在下素多經候不勻令陰掣痛  
少腹惡寒或引腰脊下根氣衝氣衝急痛膝脛疼痛  
奄忽眩冒狀如厥顛或有憂慘悲傷多嗔此皆帶下  
非有鬼神久則羸瘦脉虛多寒三十六病千變萬端  
審脉陰陽虛實緊弦行其針藥治危得安其雖同病  
脉各異源子當辨記勿謂不然

益

丹經候過期不行杜牛膝搗汁大半鍾以玄胡末壹  
錢香附末枳殼末各半錢早調服

經月

大萬病丸 治經事不來繞臍痛

乾漆 并碎炒烟 牛膝 去苗酒浸一宿 壹兩

右為末以生地黄汁壹升入二味藥末銀器內慢火熬可丸即丸如桐子大每服二丸空心米飲或温酒下

土牛膝散 治婦人室女血閉不通五心煩熱

土牛膝 當歸尾 各壹兩 桃仁 去皮麩

紅花 各半兩

右為細末每服二錢空心温酒下

當歸乾漆丸 療月經不利臍下愆逆氣脹滿 見調經門

治月經壅滯臍腹疔痛

當歸 玄胡索

右為麤末每服三錢薑三片水一鍾半煎至七分去滓稍熱服

當歸散 治血脉不通

當歸 穿山甲 炙炒 蒲黃 炒各半兩

辰砂 另研壹錢 麝香 少許

右為細末研勻每服二錢食前熱酒調下

琥珀散 治心膈迷悶腹臑痛氣急氣悶月信不

通等疾

天台烏藥

貳兩

當歸

莪朮

各壹兩

右為細末每服二錢溫酒調下後以食壓之忌生  
冷油膩產後諸疾炒薑酒調下

小腸移熱於大腸為伏瘕為沉

王註云血澀不利則月事沉滯而不行

聖治婦人月水澁滯不快結成瘕塊筋脹大欲死用

馬鞭草根苗五斤剉細水五斗煎至一斗去查別以

淨器盛熬成膏食前溫酒調下半匙

本草云馬鞭草辛涼破血瘕

羅血極膏治婦人乾血氣以川大黃為末用醞醋熬

成膏子丸如鷄頭大每服一丸酒化開臨卧溫服大

更利一二行後紅脉自下是婦人之仙藥也加當歸

頭

仲婦人經水不利抵當湯主之

亦治男子胸脇滿急有瘀血者方見傷寒

畜血

產寶方 治月經不通腹中痛

牛膝 陸分

大黃

桃仁

去皮尖炒

細辛 各伍分

川芎

當歸

各肆分

水蛭 叁分 糯米炒黃

右為細末煉蜜丸梧子大每服二十九空心溫酒

下

千金桃仁煎

治血積癥 假月水不行

大黃

濕紙裏蒸

朴硝

杏仁

製炒各貳兩

三稜

壹兩去足翅炒黑

右為細末醋二升半銀石器中慢火熬膏却入大黃桃仁三蟲末不住攪度可丸却入朴硝再攪良久出之丸如梧子大五更初温酒下五丸至日午取下如赤豆汁雞肝鼠蟊衣樣候鮮紅住服仍以調氣藥補之

調氣藥補之

三稜丸

治婦人經脉不通氣痛帶下并治血瘕

三稜

醋炒

川芎

牛膝

玄胡索

蓬朮

醋炒

蒲黃

菴藺

牡丹皮

芫花

醋炒

白芷

當歸

地龍

去土酒浸炒

乾薑

炮各壹兩

大黃

貳兩為末以米醋熬成膏和藥

右為細末以大黃膏和丸如梧子大每服三五丸空心醋湯下或紅花煎酒下  
右經一節方七首皆治汚血有熱而經閉前一方輕劑後六方重劑也

寒

紅花當歸散

治婦人經候不行或積瘀血腰腹疼痛及室女月經不通

紅花

當歸尾

紫葳

牛膝

甘艸

蘇木

細剉各貳兩

赤芍藥

玖兩

劉寄奴

伍兩

桂心

白芷

各壹兩半

右為細末空心熱酒調三錢服之食前臨卧再服若久血不行濃煎紅花酒下孕婦休服一名凌霄

花散即紫葳

牛膝散

見調經門月水不利條

溫經湯

見前調經門

桂枝桃仁湯

治婦人月事不通小腹膨脹疼痛前見

調經門腹痛條

牡丹散

見前調經門月水不利條

通經丸

本

治婦人室女月候不通或成血瘕本

子清同丸畏漆人腸胃生瘡也

桂心

青皮

去白

大黃

炮

乾薑

川椒

炒出汗

川烏

炮

蓬莪朮

乾漆

炒煙盡

當歸

桃仁

製炒各等分

右為末先將四錢用米醋熬成膏和餘六錢末成劑曰中杵丸如桐子大晒乾每服二十九用淡醋湯下加至三十九溫酒亦得空心食前服 濟生去川烏加紅花等分



滋血湯 治勞動致臟腑衝任氣虛不能約制經血以致崩中或下鮮血或下五色連日不止淋漓不斷形羸血劣倦怠困乏月水閉絕

馬鞭草

牛膝

荊芥穗

各貳兩

當歸

肉桂

牡丹皮

赤芍藥

川芎

各壹兩

右每服四錢烏梅一箇水二盞煎一盞食前服日

進四五服至半月或一月經脈自通

右方七首皆治汚血有寒而經閉前四方輕劑後

二方重劑也

結痰

大治月水不通屢試有驗厚朴不以多少薑汁炙香

細切濃煎去查空心服不過三四劑瘥形實氣盛者宜之

瓜蒌子 壹兩

黃連 半兩

吳茱萸 拾兩

桃仁 伍拾粒

紅麴 貳錢

縮砂 貳兩

山查末 壹兩

石生薑汁研炊餅為丸

軀脂滿經閉導痰湯加芎連不可服地黃如用薑汁

拌炒導痰湯即二陳加枳實黃連是也

楊村婦人年二十餘兩年經閉食少乏力

黃連

貳錢

白朮

壹錢半

陳皮

滑石

各壹錢

黃芩

半錢

木通

五分

桃仁

拾壹箇

甘草

炙少許

此方分兩有訛

右丹溪治痰結胸腹而經閉之法皆用輕劑導痰降火也

經云氣上迫肺則心氣不得下通故月事不來今用連朴之類導痰降火使不上迫於肺故心氣下通而月事來也

丹溪治一婦人久瘧食少經閉兩手無脈每日與三化神祐丸十餘粒津咽之月餘食進脈出又半月脈

愈又一月經行亦此音也詳見久瘧予嘗體月溪之意治陳氏婦二十餘歲形肥痞塞不食每日卧至秉牌吃一盞薄粥吃粥後必吐水半碗仍復卧經不通三月矣前番曾暗通黑色脈之辰時寸關滑皆有力午後關滑寸不滑詢之因乘怒飲食而然遂以白朮壹兩半厚朴黃連枳實各壹兩半夏茯苓陳皮山查人參滑石各捌錢縮砂香附桃仁各半兩紅花貳錢分作十貼每日服一貼各入薑汁二蜆殼間三日以神祐丸神秘沉香丸微下之至十二日吐止食漸進四十日平復如故又汪氏婦三十餘形瘦亦痞不食

吐水經不通以前藥方加參朮歸爲君煎熟入竹瀝  
半盞薑汁服之但不用神佑丸下亦平復若咳嗽寒  
熱而經閉者當於欬門濕痰條求之

子和凡婦人月事不來用茶調散吐之次用玉燭散  
芎歸湯三和湯桂苓白朮散之類降心火益腎水開  
胃進食分陰陽利水道之藥也 一婦人月事不行  
寒熱往來口乾頰赤飲食少且暮間欬一二聲諸醫  
皆用蠶蟲水蛭乾漆礞砂芫青紅娘子沒藥血竭之  
類惟戴人不然曰古方雖有此法柰病人服之必臍  
腹發痛飲食不進乃命止藥飲食少進內經曰二陽  
之病發心脾心受之則血不流故女子不月旣心受  
積熱宜抑火升水流濕潤燥開胃誘食乃涌出痰一  
二升下泄水五六行濕水上下皆去血氣自然湍流  
月事不爲水濕所隔自依期而至矣亦不用蠶蟲水  
蛭之類有毒之藥如用之則月經總來小洩反閉他  
證生矣凡精血不足宜補之以食大忌有毒之藥偏  
勝而致天關多矣 一婦人年三十四歲經水不行  
寒熱往來面色痿黃唇焦頰赤亦時咳三二聲問其所  
服之藥黑神散烏金丸四物湯燒肝散鼈甲散建中  
湯寧肺散針艾千百轉劇家人意倦不欲求治戴人

經閉 九三  
憫之先涌痰五六升午前涌畢午後食進餘證悉除  
後三日復輕涌之又去痰一二升食益進不數日又  
下通經散瀉訖一二升後數日去死皮數重小者如  
麩片大者如葦膜不月餘經水自行神氣大康矣  
月事不來者胞脉閉也胞脉者屬心而絡於胞中今  
氣上迫肺心氣不得下通故月事不來也全文見水腫  
天室女月水不來用雄鼠屎一兩燒存性為細末空  
心温酒調下一錢神効  
海掌中金丸 治婦人乾血氣  
穿山甲 炮 甘草  
苦丁香

川椒

苦葦葶

白附子

猪牙皂角

草烏頭各參錢

巴豆壹錢全用研

右為細末以生蔥絞汁和丸彈子大每用一九新  
綿包之內陰中一日即白二日即赤三日即血神  
効

仲婦人經水閉不利臟堅癖不止中有乾血下白物  
礬石丸主之

礬石

參錢燒

杏仁

壹分

右二味末之煉蜜丸棗核大內臟中劇者再內之  
室女經閉成勞 寇宗奭曰夫人之生以氣血為本人

之病未有不先傷其氣血者若室女童男積想在心  
思慮過度多致勞損男子則神色消散女子則月水  
先閉蓋憂愁思慮則傷心而血逆竭神色先散月水  
先閉且心病則不能養脾故不嗜食脾虛則金虧故  
發嗽腎水絕則木氣不榮而四肢乾痿故多怒鬢髮  
焦筋骨痠若五臟傳徧則死自能改易心志用藥扶  
持庶可保生切不可用青蒿茵蟲等涼血行血宜用  
柏子仁丸澤蘭湯益陰血制虛火 薛經云五穀入  
於胃其糟粕津液宗氣分 約三隧故宗氣積于胸中  
出於喉嚨以貫心肺而行呼吸榮氣者泌其津液注  
之於脉化以為血以榮四末內養五臟六腑若服苦  
寒之劑復傷胃氣必致不起 一室女年十七纏久  
不愈天癸未通發熱咳嗽飲食少思欲用通經丸余  
曰此蓋因稟氣不足陰血未充故耳但養氣血益津  
液其經自行彼惑於速効仍用之余曰非其治也此  
乃剽悍之劑大助陽火陰血得之則妄行脾胃得  
則愈虛後果經血妄行飲食愈少遂致不救

柏子仁丸

大

治如上證兼服澤蘭湯

柏子仁

炒別

牛膝

卷柏

各半兩

澤蘭葉

續斷

各貳兩

熟地黄

參兩

為細末煉蜜丸如梧子大空心米飲下三十丸

澤蘭湯

澤蘭葉

各二兩

當歸

芍藥

各壹兩

甘草

半兩

為麤末每服五錢水二盞煎一盞溫服

沉香鼈甲散 室女經候凝滯或頭目昏悶停痰五  
心虛煩少食多困

沉香

甘草

炙

檳榔

各叁分

木香

常山

當歸

柴胡

人參

半夏

桂心

生地黄

白茯苓

青皮

淨陳皮

各壹兩

鼈甲

壹兩半

右為細末每二錢薑二片水煎七分空心溫服  
劫勞散 療心腎俱虛水火不交初則微嗽遇夜發  
熱即冷有盜汗倦怠瘦弱減食恍惚或微嗽唾中  
有紅線名曰肺痿為不治

白芍藥

陸兩

黃芪

甘草

人參

當歸

半夏

白茯苓

北五味子

阿膠

熟地黄

洗各貳兩

右咬咀每三大錢水盞半薑十二片棗三枚煎溫服百藥不効一料除根

麥煎散 治少男室女骨蒸婦人血風攻症四肢心  
胸煩壅口臭肌熱盜汗

鼈甲 大黃 常山

赤茯苓 柴胡 白朮

當歸 乾漆 炒煙盡 生地黃

石膏 各壹兩 甘草 半兩

右為細末每服二錢水一盞小麥五十粒食後臨卧溫服有虛汗加麻黃根一兩

牡丹散和劑 治血氣虛損內則月水不行外發潮熱

肢體羸困漸成骨蒸 乾漆 炒貳兩 蘇小 蓬莪朮

鬼箭 各壹分 甘草 當歸

桂心 牡丹皮 芍藥

延胡索 炒 淨陳皮 紅花

烏藥 沒藥 別一切各壹兩

右咬咀每服三錢水一盞煎七分溫服無時

六神湯藥御 治血氣不足肌體燥熱四物湯加黃芪  
地骨皮各等分咬咀水煎 又治衝任虛損月水

行肌膚發熱如瘵狀四物湯各一兩柴胡半兩黃芩一分水煎

桃仁散 治婦人女子血閉不通五心煩熱

紅花 當歸 桃仁炒 牛膝各等分

右為末每服三錢酒調下空心服

脉師曰有一婦人將一女子年十五所求診言女子年十四時經水自下今經反斷其母言心怖師曰若是夫人親女必夫人年十四時亦以經水下所以斷此為避年勿怪後當自下此真氣猶怯稟賦素弱而然也宜固天元真氣使水升火降則五臟自和而經脉通矣 入方

鹿茸 山茱萸 當歸各肆兩 麝香壹兩

為細末入麝香拌勻和酒糊為丸每服百丸或五十丸温酒鹽湯任下

**針灸** 心經脉不通已有寒熱此穴大効 三陰交三分

立有効如疼時乃經脉要通也

摘經脉不通心術 曲池 支溝 三里 三陰交

此四穴壅塞不通則瀉之如虛耗不行則補之

集月經斷絕 中極 三陰交 腎俞 合谷

東又法 四滿在丹田旁一寸半



心經脈不通變成瘕證飲食如常腹漸大如蠱氣

海用針通管去其瀉水惡物陰交取法亦如上

甲月水不通奔泄氣上下引要脊痛氣穴主之 女

子不下月水照海主之 婦人少腹堅痛月水不通

帶肌主之 月水不利見血而有身則反敗及乳腫

臨泣主之

診腎肌微瀼為不月

